


**IÑAKI ETXEZARRETA IKASTOLEN ELKARTEA**

«Aldarrikatu nahi dugu euskal irakaskuntza bat badagoela, euskal gizarteak onetsi duena»



JOSU ETXEBARRIOSTE

**ERASOAK**

«Euskal kutsua bereziki adierazten den alorrean, hezkuntzan, bere indar guztiak jarri ditu PPK, eta berarekin batera PSOEk, UPNk eta UAK»

M.A. | DONOSTIA

Urte anitz darama Iñaki Etxezarretak Ikastolen Elkartearen lanean. Urte horietan guztietan ikastolek egindako lana nabarmendu du.

■ **Zer testuingurutan kokatzen da gaurko mobilizazioa?**

Azkeneko urtebete honetan euskararen eta Euskal Herriaren egin diren hainbat proiektu pedagogikoren aurkako erasoak sumatu dugu. Nabarmen hasi zen udaberrian Espainiako Historiako Errege Akademiaren txostenarekin; nabarmen ikusi genuen hori hasiera baino ez zela eta ondoren zerbait gehiago etorriko zela. Giro politikoa gogortu den neurrian, Eusko Legebiltzarrean eta Nafarroako Parlamentuan erasoak ugari egin dira.

■ **Espainiako Gobernuak onartzeaz dituen dekretuak ere hor daude.**

Argitaratzeaz dauden bi dekretuetan modu gardenago eta zuzenagoan ikusten da Espainiako Gobernuak zer planteamendu egiten duen hezkuntzaren espainolizazioari dagokionez.

Datu hauek guztiak pentsarazi digute ez dela mementoko eraso bat; hezkuntzari dagokionean orain arte egin dugun lanaren guztiz kontrakoa den planteamendu baten aurrean gaude. Euskal kutsua duen edozeren aurka eraso politikoa bideratzen ari da. Euskal kutsu hori bereziki adierazten den alorrean, hezkuntzan, bere indar guztiak jarri ditu PPK, eta berarekin batera PSOE, UPNk eta UAK.

■ **Eraso horri erantzun nahi dio biharko mobilizazioak?**

Euskaldunak ohituegi gaude kanpotik

datozen erasoei erantzunak ematen eta ez zaigu oso bidezkoa iruditzen soilik erantzunak ematea. Aldi berean esan behar dugu urte askotan, azkeneko 40 urteetan, ikastolek jorratu duten euskaldun hezkuntza hura, eta gaur beste sareetako eskola batzuek aurrea daramaten euskaldun hezkuntza, dela gure eraikuntza inportanteena. Eraikuntza honen kontrako eraso hauek ekar dezaketen galera saihestu nahi dugu, baina aldi berean nahi dugu aldarrikatu euskal irakaskuntza bat badagoela, irakaskuntza horrek ona dela demostratu duela, lidergoa duen irakaskuntza mota bat dela eta gizarteak onetsi duena.

■ **Hezkuntza alorreko mobilizazio batek inoiz izan duen babes zabala izango du manifestazioak.**

Hainbat faktorek eragiten dute honetan ere. Urte eta erdi baino gehiago daramagu ikastoletako pertsona eta erakunde batzuk, eta beste eskoletako pertsona eta erakunde batzuk, bilerak egiten gure artean ikusteko zein aukera dauden elkarrekin lan bat egiteko, jakinda konkurrentzi eta konpetentzi bat badugula hainbat mementotan baina bestalde konpartitu ditzakegula euskaldun hezkuntza mailan hainbat gauza. Horrek ekarri du, urte askoan harremanik ez egotetik harreman berro batera pasatzera.

Hainbat sindikatu, ELA, LAB eta EILAS ere elkarlanean aritu dira gurekin, beren jardura sindikaletik kanpo.

Jardun horrek eragin ditu nolabait teko sinergia batzuk eraman dituen alderdi politikoa ekimenarekin bat egitera.

**MARIJE FULLAONDO SORTZEN-IKASBATUAZ**

«Erasoen atzean ez daude arrazoi pedagogikoak, politikoak baizik»



JOSU ETXEBARRIOSTE

**PENTSAMENDU BAKARRA**

«PPren nahia da pentsamendu bakarraren inguruan sartzea jende guztia eta horretarako oso arma estrategiko eta erabilgarria da hezkuntza»

M.A. | DONOSTIA

Marije Fullaondo buru-belarri aritu da gaurko manifestazioaren prestaketa lanetan. Sortzen-Ikasbatuaz erakundearen izenean mintzatu zaigu.

■ **Zer dela eta gaurko manifestazioa?**

Badira hilabete batzuk euskal irakaskuntza jasaten ari dela hainbat eraso, batez ere PP, PSOE, UPN eta UAKen aldetik. Erasoren kontra eta azken 40 urteetan euskal irakaskuntzak eman dituen aurrerapausoekin bat egiteko da gaurko mobilizazioa. Uste dugu ondo ari garela eta hortik aurrera jo behar dugula; hori da gizartearen eskatzen ari dena, matrikulazio datuak ikusi baino ez dago.

■ **Zein uste duzu dela erasoaldi horren arrazoiak?**

Arrazoi pedagogikoak behintzat ez dut uste tartean daudenik, nahiz eta horrela sinestaz nahi diguten. Uste dut interes partidistak daudela hortartean, interes politikoak. Ikusi dute goraka doala etengabe matrikulazioa euskal irakaskuntzan, eta euskal irakaskuntza horrek ekarriko duela gauzak ulertzeko modu bat. PPren nahia da pentsamendu bakarraren inguruan sartzea jende guztia, eta horretarako, hezkuntza oso arma estrategiko eta erabilgarria da.

■ **Atxikimendu sorta zabala jaso du mobilizazioak. Nola baloratzen duzu hori?**

Oso balorazio baikorra egin behar dugu. Gizartearen eskatzen ari da aurrera jarraitzea orain arte egin dugun eta egiten ari garen irakaskuntzarekin.

■ **Erasoak salatzeaz gain, hemen go ordezkari politikoei dei zehatza egiten diezue: konprometi daitezela Euskal Hezkuntzarako Legeria propio baten oinarriak adosten.**

Mobilizazioa, erasoei erantzuna baino askoz gehiago da; esan nahi dugu benetan ondo ari garela eta aurrera jarraitu behar dugula egiten ari garenarekin. Mobilizazioak jaso duen atxikimendu sorta zabala uste dut hortik datorrela.

Eskatzen diegu politikoei eta arduradutenei, gure botoen bidez arduraren eman diegun horiei, gizartearen eskaerei erantzutea, ausardiarekin joka dezatela.

■ **Deia egin duzuenen artean hezkuntzako hainbat sektoretako erakundeak zaudete. Elkarlan bat izlatzen da horren atzean?**

Duela urte eta erdi baino gehiago ari gara hezkuntzaren gizarte gunean euskal irakaskuntza aurrera ateratzen nahian, gauza batzuk adostu nahian irakaskuntzan gabiltzan sektore ezberdinetako jendearen artean. Hor biltzen gara, era pertsonalean bada ere, atzean erakunde batzuk ditugun zenbait lagun. Irakaskuntzaren inguruan hausnarketa egin eta duela urtebete ateratu genuen adostasun txosten bat; hortik abiatu zen elkarlanerako gure ibilbidea. Uste dut nahiko gune zabala dela, irakaskuntza ikusteko era beretsua duguna. Nahiz eta egoera ezberdinetatik abiatzen garen, adostasun minimo batzuetara iristeko gai izan gaitezkeela ulertzen dugu. Elkarlan horren ondorioetako bat da gaurko mobilizazioak lortu dituen atxikimenduak.